



სახელმწიფო აუდიტის სამსახურის თანამშრომელთა ჯანმრთელობის დაზღვევის მომსახურების (CPV 66510000) ელექტრონული ტენდერის საშუალებით შესყიდვის

სატენდერო დოკუმენტაცია

ქ. თბილისი

2015 წელი

სარჩევი

1. ინსტრუქცია ტენდერში მონაწილეთათვის	3
2. გასაწევი მომსახურების ტექნიკური დავალება.....	4
5. ტექნიკური და ხარისხობრივი მაჩვენებლები	5
6. სახელმწიფო შესყიდვის შესახებ ხელშეკრულების პროექტი	12
7. დანართი N1	16
8. დანართი N2	17

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის, „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის შესაბამისად.

1.2. სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია საიტზე: www.procurement.gov.ge;

1.3. ტენდერში მონაწილეობის უფლება აქვს ყველა დაინტერესებულ იურიდიულ და ფიზიკურ პირს, რომელიც გაცნობილია და ეთანხმება „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნებს და არ არის შეყვანილი შესყიდვებში მონაწილე არაკეთილსინდისიერ პირთა რეესტრში („შავი სია“).

1.4. ტენდერთან დაკავშირებული ყველა დოკუმენტი ან/და ინფორმაცია წარმოდგენილი იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.5. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.6. პრეტენდენტის მიერ წარმოდგენილი ყველა დოკუმენტი ან/და ინფორმაცია დამოწმებული უნდა იყოს უფლებამოსილი ან მისი ნდობით აღჭურვილი პირის ხელმოწერითა და ბეჭდით (ასეთის არსებობის შემთხვევაში). (მინდობილობის არსებობის შემთხვევაში აღნიშნული დოკუმენტი ატვირთული უნდა იქნეს ერთიან ელექტრონულ სისტემაში).

1.7. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.8. პრეტენდენტს არა აქვს უფლება წარმოადგინოს ალტერნატიული წინადადება.

1.9. ტექნიკური დოკუმენტაციის ატვირთვის შემდეგ, პრეტენდენტს აქვს შესაძლებლობა მიუთითოს მისი სატენდერო წინადადების ფასი. თუ სატენდერო განცხადებაში მითითებულია, რომ სატენდერო წინადადების ფასი წარმოდგენილ უნდა იქნას დამატებული ღირებულების გადასახადის (შემდგომში დღგ) გარეშე, მიმწოდებელი სისტემაში ფასს უთითებს დღგ-ს გარეშე, თუმცა თუ იგი დღგ-ს გადამხდელია, შესაბამისი ოდენობით თანხა გათვალისწინებული იქნება ხელშეკრულებაში.

1.10 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. ქ. თბილისი, წმინდა ქეთევან დედოფლის გამზირი № 96, საკონტაქტო პირი: გიული ჩოხელი. ტელ : +995 (32) 2438146;

2 . გასაწევი მომსახურების ტექნიკური დავალება:

2.1 შესყიდვის საგანია: სახელმწიფო აუდიტის სამსახურის 370 თანამშრომლისათვის ჯანმრთელობის დაზღვევის მომსახურება.

2.2. 370 თანამშრომლის დაზღვევის სახელმწიფო შესყიდვის მთლიანი სავარაუდო ფასია 337440 (სამსოცდაჩვიდმეტათასოთხასორმოცი) ლარი, ხოლო ინდივიდუალური (თანამშრომლის) პაკეტის სადაზღვევო პრემიის სავარაუდო ღირებულება შეადგენს თვეში არაუმეტეს 76 ლარს. თანამშრომლის საგადასახადო კოდექსით გათვალისწინებული საშემოსავლო გადასახადი არ არის გათვალისწინებული მომსახურების შესყიდვის სავარაუდო ღირებულებაში.

2.3. პრეტენდენტის მიერ სისტემის მეშვეობით წარდგენილი წინადადების ფასი არ უნდა აღემატებოდეს პრეისკურანტის სავარაუდო ღირებულებას და ელექტრონული ვაჭრობის შედეგად ფასის კლება შესაძლებელია განხორციელდეს მხოლოდ პრეისკურანტის სავარაუდო ღირებულებასთან მიმართებაში. პრეისკურანტის სავარაუდო ღირებულება შეადგენს 76 ლარს.

2.4. პრეტენდენტს უნდა გააჩნდეს პროვაიდერი კლინიკები ქ. ბათუმში, ქ. ქუთაისში და ქ.თბილისში და საქართველოს მთელ ტერიტორიაზე, რომელთა ჯამური რაოდენობა არ უნდა იყოს 100 პროვაიდერ კლინიკაზე ნაკლები.

2.5. კონტრაქტის პერიოდში შეუძლებელია წინასწარ შეთანხმებული პროვაიდერი კლინიკების გაუქმება შემსყიდველთან შეუთანხმებლად.

2.6. პრეტენდენტს უნდა გააჩნდეს ლიცენზირებული პროვაიდერი სააფთიაქო ქსელი - მინიმუმ ორი სადაც დაზღვეულს შესაძლებლობა ექნება ექიმის მიერ დანიშნული მედიკამენტების მიღება, თანადაფინანსების ფარგლებში.

2.7. პრეტენდენტს რეგიონალური ცენტრების მასშტაბით უნდა ჰყავდეს მინიმუმ თითო ოჯახის ექიმი, თბილისში 2 ოჯახის ექიმი, მათ შორის ერთი ოჯახის ექიმი უნდა განთვასდეს სახელმწიფო აუდიტის სამსახურის თბილისის ადმინისტრაციულ შენობაში, რომელმაც უნდა უზრუნველყოს ასანაზღაურებლად წარმოდგენილი დოკუმენტების შემოწმება და სადაზღვევო კომპანიაში ჩაბარება.

2.8. სავალდებულოა ოჯახის ექიმი (გარდა სახელმწიფო აუდიტის ადმინისტრაციულ შენობაში) მუშაობდეს შაბათ დღეს, შესაძლოა ნახევარ განაკვეთზეც.

2.9 ანგარიშსწორების პირობები:

ა) ანგარიშსწორება მოხდება უნაღდო ანგარიშსწორებით ლარში, ფაქტიურად დაზღვეული თანამშრომლების ოდენობის მიხედვით (დაზღვევის პოლისების შესაბამისად).

ბ) ანგარიშსწორება მოხდება ეტაპობრივად, მიღება—ჩაბარების აქტის გაფორმებიდან და მზღვეველის მიერ წარმოდგენილი მომსახურების ღირებულების ამსახველი დოკუმენტის წარმოდგენიდან არაუგვიანეს 20 სამუშაო დღის განმავლობაში.

გ) წინასწარი ანგარიშსწორება (ავანსი) არ გამოიყენება.

2.10. ფასწარმოქმნის ადეკვატურობის დასაბუთების ვალდებულება.

ა) თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე. ფასწარმოქმნის ადეკვატურობა, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშგაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

ბ) ფასწარმოქმნის ადეკვატურობის დასაბუთებაზე ვრცელდება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-12 მუხლის მე-11–მე-14 პუნქტებით განსაზღვრული წესები.

2. 11 მომსახურების გაწევის ვადები :

მომსახურების გაწევა უნდა განხორციელდეს 2016 წლის 1 იანვრიდან, 2016 წლის 31 დეკემბრის 24:00 საათის ჩათვლით.

2.11. პრეტენდენტმა ტექნიკური დოკუმენტაციის სახით სისტემაში უნდა ატვირთოს შემდეგი დოკუმენტები და ინფორმაცია:

ა) პრეტენდენტის რეკვიზიტები, დანართი N1-ის მიხედვით.

ბ) ტექნიკური დავალების შესაბამისად შედგენილი მომსახურების ღირებულება, დანართი N2-ის მიხედვით.

გ) პროვაიდერი კლინიკების და პროვაიდერი სააფთიაქო ქსელის ჩამონათვალი.

დ) სადაზღვევო საქმიანობის ლიცენზიის ასლი

შენიშვნა: -სატენდერო წინადადების ფასი (სადაზღვევო პრემია) წარმოდგენილი უნდა იყოს სამშენსაშენო გადასახადის გარეშე.

-ამ პუნქტით გათვალისწინებული ყველა ინფორმაცია წარმოადგენს პრეტენდენტის სატენდერო წინადადებას, რომელიც უნდა ატვირთოს სახელმწიფო შესყიდვების ერთიან ელექტრონულ სისტემაში პრეტენდენტის მიერ სატენდერო წინადადების შეთავაზებისას.

3. შესყიდვის ობიექტის ტექნიკური და ხარისხობრივი მაჩვენებლები.

3.1. სახელმწიფო აუდიტის სამსახურის მიერ შესყიდული ჯანმრთელობის დაზღვევის პაკეტის პირობები უნდა ვრცელდებოდეს ყველა თანამშრომელზე (ასაკის შეუზღუდავად), არ უნდა იყოს ქვემოთ მოცემულ ტექნიკურ და ხარისხობრივ მაჩვენებლებზე უარესი და უნდა ვრცელდებოდეს დაზღვევამდე არსებულ დაავადებებზეც:

მომსახურების სახეები	ლიმიტი	დაფარვა
24 საათიანი სატელეფონო, საინფორმაციო, საკონსულტაციო, საორგანიზაციო მომსახურება	ულიმიტო	100%
პირადი ექიმის მომსახურება	ულიმიტო	100%
პროფილაქტიკური გამოკვლევები	წელიწადში 2-ჯერ	
სასწრაფო სამედიცინო დახმარება	ულიმიტო	100%
გადაუდებელი ამბულატორია	ულიმიტო	100%
გეგმიური ამბულატორია	5000	80%
ამბულატორიული მომსახურება ქრონიკული დაავადებების დროს	1000	80%
მედიკამენტები (ექიმის მიერ დანიშნული)	2000	70%
ქრონიკული დაავადებების სამკურნალო მედიკამენტების ანაზღაურება	1000	70%
გადაუდებელი ჰოსპიტალიზაცია	15000	100%
გეგმიური ჰოსპიტალიზაცია	10000	100%
კარდიოქირურგიული (შუნტირება, სტენტირება, ოპერაციები ღია გულზე) ჰოსპიტალური მომსახურება	5000	100%
ონკოლოგიური მომსახურება	8000	100%
ორსულობა	2000	100%
მშობიარობა	1200	100%
გადაუდებელი სტომატოლოგია	ულიმიტო	100%
თერაპიული სტომატოლოგია	2000	80%
		60%
ორთოპედიულ-ორთოდონტიული სტომატოლოგია	ულიმიტო	20%
სიცოცხლის დაზღვევა	10000	

სამოგზაურო დაზღვევა	შეუზღუდავი	50 000 ევრო
---------------------	------------	-------------

3.2. ამავე დროს მზღვეველმა უნდა წარმოადგინოს დაზღვეულთა ოჯახის წევრთათვის (მეუღლე და შვილები 0-25 წლამდე) შემუშავებული 2 სახის სადაზღვევო პაკეტი, იგივე პირობებით:

1) ყოველთვიური საოჯახო სადაზღვევო პრემია თანამშრომლისა და მისი ოჯახის ერთი წევრისათვის უნდა გამოითვალოს ვაჭრობის შედეგად დაფიქსირებული თანამშრომლის დაზღვევის ღირებულების გადამრავლებით არაუმეტეს **1.9** კოეფიციენტზე. შემდეგი ფორმულით: $A=B*1.9$, სადაც A - არის ყოველთვიური საოჯახო სადაზღვევო პრემია თანამშრომლისა და მისი ოჯახის ერთი წევრისათვის, ხოლო B - არის ვაჭრობის შედეგად დაფიქსირებული თანამშრომლის სადაზღვევო ღირებულება (თანამშრომლის ყოველთვიური სადაზღვევო პრემიის ღირებულება)

ყოველთვიური საოჯახო სადაზღვევო პრემია თანამშრომლისა და მისი ოჯახის ორი ან მეტი წევრისათვის უნდა გამოითვალოს ვაჭრობის შედეგად დაფიქსირებული თანამშრომლის დაზღვევის ღირებულების გადამრავლებით არაუმეტეს **2.5** კოეფიციენტზე. შემდეგი ფორმულით: $C=B*2.5$, სადაც c - არის ყოველთვიური საოჯახო სადაზღვევო პრემია თანამშრომლისა და მისი ოჯახის ორი ან მეტი წევრისათვის, ხოლო B - არის ვაჭრობის შედეგად დაფიქსირებული თანამშრომლის დაზღვევის ღირებულების ღირებულება (თანამშრომლის ყოველთვიური სადაზღვევო პრემიის ღირებულება)

2) სადაზღვევო პაკეტი თანამშრომლისა და მისი ოჯახის წევრებისათვის, რომელიც უნდა იყოს თანამშრომლის სადაზღვევო პაკეტის ღირებულებისა და შემსყიდველის მიერ მოთხოვნილი სადაზღვევო პირობების შესაბამისი (გარდა ლიმიტებისა და თანადაფინანსების პროცენტებისა)

შენიშვნა:

- აღნიშნულ შენატანს დაფარავს თავად დაზღვეული და არა სახელმწიფო აუდიტის სამსახური ამასთან, საოჯახო პაკეტის შემთხვევაში სადაზღვევო კომპანიასა და დაზღვეულებს შორის გაფორმდება ინდივიდუალური ხელშეკრულებები.
- ოჯახი გულისხმობს მეუღლეს და შვილებს 0-დან 25 წლამდე.

3.3. დაზღვევა ასევე უნდა ითვალისწინებდეს:

- ა) ჰოსპიტალური და ამბოლატორიული მომსახურების მიღებას ნებისმიერ ლიცენზირებულ კლინიკაში.
- ბ) ხელშეკრულების გაფორმებამდე არსებული დაავადებების მკურნალობის ხარჯების ანაზღაურებას (ეხება ასევე ორსულობას და მშობიარობასაც, ასევე ქრონიკული დაავადებების გამწვავების მკურნალობას) გამონაკლისებში ჩამოთვლილი შემთხვევების გარდა.
- გ) ექიმის მიმართვით, პროვაიდერ კლინიკებში სამედიცინო მომსახურების მიღებას.
- დ) დაზღვეულის მიერ გაკეთებული თავისუფალი არჩევანის საფუძველზე, ლიცენზირებულ კლინიკებში გასაწევ მომსახურებებს და შესაბამის ანაზღაურებას.
- ე) სამედიცინო მომსახურების ხარჯების დაზღვეულის მიერ გადახდის შემთხვევაში, სადაზღვევო თანხა აუნაზღაურდება თავად დაზღვეულს სადაზღვევო შემთხვევის დამადასტურებელი და ანაზღაურების მიღებისთვის აუცილებელი ყველა დოკუმენტის წარდგენიდან 10 (ათი) სამუშაო დღის ვადაში.
- ვ) ზარალის ანაზღაურება უნდა მოხდეს შემდეგნაირად:
 - დოკუმენტების (ორი თვის ვადაში) სადაზღვევო კომპანიაში წარდგენიდან ანაზღაურდება სრულად, არაუგვიანეს 10 დღის ვადაში;
- ზ) დაზღვეულის მიერ სამედიცინო ხარჯების გადახდისას თანხის ანაზღაურებისათვის ხელშეკრულებით გათვალისწინებული დოკუმენტაციის წარდგენის შემდეგ, მზღვეველის მიერ ნაკლოვანების აღმოჩენის შემთხვევაში, იმ პირობით, რომ დოკუმენტაცია ჩაითვლება ვადაში ჩაბარებულად, ინფორმაცია უნდა ეცნობოს დაზღვეულს, რათა მას მიეცეს საშუალება აღმოფხვრას ხარვეზები ასანაზღაურებლად წარდგენილ დოკუმენტებში, ხოლო ანაზღაურების 10 დღიანი ვადის ათვლა დაიწყოს სრულყოფილად წარმოდგენილი დოკუმენტების ჩაბარების დღიდან.

თ) დაზღვეულის მიერ სამედიცინო ხარჯების (არაპროვაიდერ კლინიკაში) გადახდის შემთხვევაში, თანხის ანაზღაურებისათვის ხელშეკრულებით გათვალისწინებული დოკუმენტაციის წარდგენა როგორც არის: პირადობის მოწმობის ასლი, სადაზღვეო პოლისის ასლი, ქორწინების მოწმობის ასლი, დაბადების მოწმობის ასლი უნდა მოხდეს ერთჯერადად (დაზღვეულსა და მზღვეულს შორის შეთანხმების აქტის დადების მომენტისათვის).

ი) ხელშეკრულების დადების მომენტისათვის ორსულობის ნებისმიერ ეტაპზე ორსულთა დაზღვევას და ორსულობასა და მშობიარობასთან დაკავშირებული ხარჯების ანაზღაურებას.

კ) ქრონიკული დაავადებების დიაგნოსტიკის, საკონტროლო კვლევების და კონსულტაციის ხარჯების ანაზღაურებას;

ლ) ქრონიკული დაავადებების მედიკამენტების ანაზღაურებას;

მ) ადენექტომიისა და ტონზილექტომიის ხარჯების (გლანდებისა და პოლიპების ოპერაციები);

ნ) ნებისმიერი ონკოლოგიის პრობლემატიკის მკურნალობის, როგორც ონკოქირურგიის, ასევე ონკოლოგიის თერაპიული მკურნალობის (ქიმიოთერაპია და სხივური თერაპია) ანაზღაურებას;

ო) კარდიოქირურგიის (სტენდირება შუნტირების ოპერაციები სტენტის ხარჯის ჩათვლით) ანაზღაურებას;

პ) ენდოპროთეზირების ხარჯების ანაზღაურებას;

ჟ) ანგიოლოგიური დაავადებების მკურნალობის ხარჯების ანაზღაურებას;

რ) ნებისმიერი სახის დაავადების პირველად დიაგნოსტიკას;

ს) ხელშეკრულების მოქმედების პერიოდში ახლად დანიშნული თანამშრომლების დაზღვევას.

3.4 პრეტენდენტის გამარჯვების შემთხვევაში სადაზღვეო კომპანია ვალდებულია გაფორმებული ხელშეკრულების პირობების ჯეროვნად შესრულებაზე გამოყოს მინიმუმ 2 პასუხისმგებელი პირი (გვარის, სახელის, თანამდებობის მითითებით და ტელეფონის ნომერი) რომელთაც ეცნობებათ დაზღვეულების მიერ გამოთქმული პრეტენზიები სახელმწიფო აუდიტის სამსახურის უფლებამოსილი პირის მიერ ხარვეზის აღმოფხვრის მიზნით, აგრეთვე ორ თვეში ერთხელ მოხდება შეხვედრა მზღვეველის მიერ ხელშეკრულებით ნაკისრი ვალდებულებების შესრულების მიმდინარეობის შესახებ.

3.5. დამატებითი პირობები

3.5.1. თანამშრომლის შრომითი ურთიერთობის შეწყვეტის შემთხვევაში სადაზღვეო მომსახურების მიღების პირობები:

ა) თანამშრომელს, შრომითი ურთიერთობის შეწყვეტის შემთხვევაში (თუ ეს არ ხდება მისი დისციპლინური გადაცდომის გამო), ასევე მის ოჯახის წევრებს სადაზღვეო მომსახურება უნდა შეუნარჩუნდეთ ხელშეკრულების მოქმედების პერიოდში, თუ: 1) აღნიშნული პირი შრომითი ურთიერთობის შეწყვეტიდან მომდევნო 2 (ორი) თვის განმავლობაში წერილობით განაცხადებს მზღვეველთან დაზღვევის შენარჩუნების სურვილის, და 2) წარუდგენს მზღვეველს შრომითი ურთიერთობის შეწყვეტის დამადასტურებელ დოკუმენტს/გათავისუფლების ბრძანებას და 3) გააფორმებს მზღვეველთან შესაბამის ინდივიდუალურ ხელშეკრულებას ახალი სადაზღვეო პერიოდით (არაუმეტეს ერთწლიანი პერიოდით) და ერთიანად, ხელშეკრულების გაფორმებისთანავე გადაიხდის შესაბამისი პერიოდის სრულ სადაზღვეო პრემიას.

ბ) თანამშრომელს, შრომითი ურთიერთობის შეჩერების შემთხვევაში, (უხელფასო შვებულება დეკრეტული შვებულება ან სხვა მსგავსი შემთხვევა) ასევე მის ოჯახის წევრებს სადაზღვეო მომსახურება უნდა შეუნარჩუნდეთ იმ აუცილებელი პირობით, რომ თავად დაზღვეული უზრუნველყოფს თავისი და ოჯახის წევრების შესაბამისი წილის ოდენობით სადაზღვეო პრემიის გადახდას.

3.6. ცხრილში (3.1 პუნქტში) გაწერილი თითოეული სამედიცინო მომსახურება გულისხმობს შემდეგს:

24 საათიანი სატელეფონო, საინფორმაციო-საკონსულტაციო საორგანიზაციო მომსახურება

ითვალისწინებს სადღეღამისო სატელეფონო-საინფორმაციო, საორგანიზაციო კონსულტაციებს ჯანმრთელობის მდგომარეობასთან დაკავშირებული ნებისმიერი საკითხის ან პრობლემის წარმოქმნისას. ამ დროს დაზღვეულს საშუალება ეძლევა მიიღოს სრული და ოპერატიული ინფორმაცია სადაზღვევო პროგრამის, სამედიცინო მომსახურების ორგანიზებისა და კოორდინირების შესახებ. აღნიშნული გულისხმობს დაზღვეულის ჰოსპიტალური და ამბულატორიული მკურნალობის საჭიროების შემთხვევაში, როგორც მკურნალობის პროცესზე და ხარისხზე, ასევე სამედიცინო და ფინანსურ დოკუმენტაციაზე ზედამხედველობის უზრუნველყოფას;

პირადი ექიმის მომსახურება:

აღნიშნული ითვალისწინებს: პირადი ექიმის კონსულტაციებს, ექიმის ვიზიტს ბინაზე; დაზღვეულის ჯანმრთელობის მდგომარეობის მონიტორინგს და ავადმყოფობის ისტორიის შექმნას; საჭიროების შემთხვევაში, დამატებითი სპეციალისტების მოწვევას და კონსილიუმის ორგანიზებას; აღნიშნული მომსახურება გულისხმობს პედიატრის მომსახურებასაც, საოჯახო (მათ შორის დამატებით ერთი ოჯახის წევრის დაზღვევის შემთხვევაშიც) პაკეტით სარგებლობის შემთხვევაში.

სტაციონარული სამედიცინო მომსახურების ხარჯები:

ითვალისწინებს საქართველოს ტერიტორიაზე არსებულ ნებისმიერ ლიცენზირებულ საავადმყოფოში შესაბამისი სამედიცინო ჩვენების არსებობისას, სამედიცინო მომსახურებას დაზღვეულის 24 სთ-ზე მეტი ხნით განთავსების შემთხვევაში. აღნიშნული მოიცავს როგორც გადაუდებელი, ასევე გეგმიური ჰოსპიტალური მომსახურებისას სამკურნალო-დიაგნოსტიკური, ლაბორატორიული და ინსტრუმენტული გამოკვლევების გარანტირებული მოცულობის უზრუნველყოფას. მათ შორის სათანადო ქირურგიული და კონსერვატიული მკურნალობის, მოვლის, სამედიცინო მანიპულაციების, დანიშნული მედიკამენტების და ყველა სხვა აუცილებელი ღონისძიებების ხარჯების ანაზღაურებას (პალატა, კვება) სადაზღვევო პროგრამით ურგენტულ ჰოსპიტალური მომსახურება.

ურგენტულ (გადაუდებელი) ჰოსპიტალურ მომსახურებას ითვალისწინებს დაზღვეულის ჯანმრთელობის მდგომარეობის გაუარესების შემთხვევაში ჩასატარებელი სამკურნალო-დიაგნოსტიკური ღონისძიებების ერთობლიობას, რომლის დროში გადავადების პირობებში გარდაუვალია პაციენტის სიკვდილი ან ჯანმრთელობის მდგომარეობის მკვეთრი გაუარესება, ან დაინვალიდება

გეგმიური სტაციონარული მომსახურება

პირადი ექიმის /ლიცენზირებული ექიმის მიერ გაცემული მიმართებით, კომპანიის კონტრაქტორ კლინიკაში მომსახურების მიღებისას დაზღვეული თავისუფლდება ღირებულების პოლისით გათვალისწინებული წილის გადახდის პროცედურებისგან, არაკონტრაქტორ კლინიკაში მომსახურების ღირებულების ანგარიშსწორება მოხდება ანაზღაურების მიღებისთვის აუცილებელი ყველა საჭირო დოკუმენტის (ორი თვე) სადაზღვევო კომპანიაში წარდგენიდან 10 (ათი) სამუშაო დღის ვადაში, განსაზღვრული ლიმიტის ფარგლებში;

სტაციონარული მომსახურება მოიცავს ასევე კრიტიკული დაავადებების მკურნალობის ხარჯებსაც, მათ შორის:

- ✓ გულ-სისხლძარღვთა სისტემის დაავადებების მკურნალობა;
- ✓ მიოკარდიუმის ინფარქტის დიაგნოსტიკა და მკურნალობა;
- ✓ ონკოლოგიური დაავადებების ქირურგიული და თერაპიული მკურნალობის ხარჯები;
- ✓ თავის ტვინის სიმსივნეების მკურნალობა;
- ✓ კომატოზური მდგომარეობის მკურნალობა;
- ✓ იშემიური და ჰემორაგიული ინსულტების მკურნალობა;
- ✓ გაფანტული სკლეროზის მკურნალობა;
- ✓ ალკჰიმერის დაავადების და პარკინსონის დაავადების მკურნალობის ხარჯები;
- ✓ მკურნალობა მხედველობისა და სმენის სრული დაკარგვისას;
- ✓ ძლიერი დამწვრობის მკურნალობის ხარჯები;

ორსულობის ხარჯები:

აღნიშნული მოიცავს ორსულობის მონიტორინგს და მხოლოდ ორსულობასთან დაკავშირებულ, შესაბამისი სამედიცინო ჩვენებით, ნებისმიერ ლაბორატორიულ-ინსტრუმენტულ კვლევებს, გინეკოლოგიის კონსულტაციებსა და მედიკამენტოზურ მკურნალობას ორსულობის მთელი პერიოდის განმავლობაში.

მშობიარობის ხარჯები:

აღნიშნული მოიცავს მშობიარობას (ფიზიოლოგიური მშობიარობა, საკეისრო კვეთა) ნებისმიერ ლიცენზირებულ სამშობიარო სახლში საქართველოს ტერიტორიაზე.

ამბულატორიული მომსახურების ხარჯები:

ითვალისწინებს შესაბამისი სამედიცინო ჩვენებით სამედიცინო მომსახურებას საქართველოს ტერიტორიაზე არსებულ ნებისმიერ ლიცენზირებულ სამედიცინო დაწესებულებაში. აღნიშნული მოიცავს როგორც გადაუდებელი, ასევე გეგმიური ამბულატორიული მომსახურების შემთხვევაში სხადასხვა პროფილის ექიმ-სპეციალისტების კონსულტაციების, სამედიცინო მანიპულაციების და ლაბორატორიული-ინსტრუმენტული გამოკვლევების ხარჯების ანაზღაურებას

მათ შორის:

გეგმიური ამბულატორიული მომსახურება – ითვალისწინებს სამედიცინო ჩვენებისას დანიშნული ამბულატორიული მომსახურების (კლინიკური, ინსტრუმენტული, ლაბორატორიული გამოკვლევების და ამბულატორიული მანიპულაციების) ხარჯების ანაზღაურებას.

გადაუდებელი ამბულატორიული მომსახურება – ითვალისწინებს ამბულატორიული მომსახურების ლაბორატორიული გამოკვლევებისა და ამბულატორიული მანიპულაციების ხარჯების ანაზღაურებას.

ამბულატორიულ მომსახურებას ქრონიკული დაავადების პერიოდში, რაც გულისხმობს ექიმის კონსულტაციას, დაავადების დიაგნოსტიკას, მანიპულაციებს და მკურნალობის შემდგომ საკონტროლო ლაბორატორიულ-ინსტრუმენტულ კვლევებს;

მედიკამენტოზური მკურნალობის ხარჯები (მედიკამენტები):

სამედიცინო მომსახურებისას, შესაბამისი სამედიცინო ჩვენებით, ექიმის მიერ დანიშნული მედიკამენტების ხარჯების ანაზღაურება.

სასწრაფო სამედიცინო დახმარების ხარჯები::

აღნიშნული ითვალისწინებს საქართველოს ტერიტორიაზე არსებული ნებისმიერი ლიცენზირებული სასწრაფო სამედიცინო დახმარების ბრიგადის მომსახურებას; საჭიროების შემთხვევაში, უფასო ტრანსპორტირებას საქართველოს ტერიტორიაზე; შემთხვევის ადგილზე გადაუდებელი სამედიცინო დახმარების გაწევა; რეანიმაციის მომსახურება საქართველოს ნებისმიერ რეგიონში;

კარდიოქირურგიული ჰოსპიტალური მომსახურება

ითვალისწინებს სამედიცინო ჩვენებით ჩატარებულ კორონაროგრაფიას, რომელიც საჭიროებს ჰოსპიტალიზაციას, კორონარულ ანგიოპლასტიკას, სტენტირებას (სტენტის ღირებულების ჩათვლით), აორტო-კორონარულ შუნტირებას და უბედური შემთხვევით განპირობებულ კარდიოქირურგიულ ოპერაციას.

ონკოლოგიური მომსახურება

ითვალისწინებს, როგორც კეთილთვისებიანი, ასევე, ავთვისებიანი ონკოლოგიური პრობლემატიკის დიაგნოსტიკის, თერაპიული, ქიმიო და სხიური მკურნალობის, წინასაოპერაციო კვლევებისა და ქირურგიული მკურნალობის ხარჯების ანაზღაურებას.

პროფილაქტიკური გამოკვლევები

აღნიშნული მოიცავს ლიცენზირებულ პროვაიდერ სამედიცინო დაწესებულებაში, დაზღვეულის მოთხოვნით, წელიწადში ორჯერ, ოჯახის ექიმის მიმართვის საფუძველზე, თერაპევტის კონსულტაციას; სისხლის საერთო ანალიზი; შარდის საერთო ანალიზი; პროთრომბინის განსაზღვრას სისხლში; გლუკოზის განსაზღვრა სისხლში, მუცლისა და გულმკერდის ღრუს ორგანოების ექსოსკოპიური გამოკვლევა, ელექტრო კარდიოგრამა; რენტგენოგრაფია.

სტომატოლოგიური მომსახურება:

გადაუდებელი სტომატოლოგია - ითვალისწინებს მწვავე ტკივილის მოხსნასა და კბილის ექსტრაქციას,

გეგმიური, სტომატოლოგიური მომსახურება: ყველა სახის თერაპიული და ქირურგიული მკურნალობის ხარჯებს, სტომატოლოგის კონსულტაცია, დიაგნოსტიკური რენტგენოგრაფია, კბილის დაბუნა, გაწმენდა და თერაპიული მკურნალობა, პირის ღრუს ლორწოვანი გარსის დაავადებების მკურნალობა,

ორთოდონტიული სტომატოლოგია – ითვალისწინებს კბილების თანკბილვის გასწორებასთან დაკავშირებული ხარჯების ანაზღაურებას მზღვეველის მიერ მითითებულ სტომატოლოგიურ კლინიკაში

ორთოპედიული სტომატოლოგია – ითვალისწინებს კბილების დაზიანებული ნაწილის აღდგენასა და მეტალოკერამიკის ღირებულების ანაზღაურებას მზღვეველის მიერ მითითებულ სტომატოლოგიურ კლინიკაში.

სამკურნალო მასაჟი - მკურნალობის მიზნით ჩატარებული მასაჟი ექიმის მიმართვის ან მზღვეველთან შეტყობინების საფუძველზე.

სამოგზაურო დაზღვევა -

ითვალისწინებს სადაზღვევო პროგრამაში მითითებული ვადით, თანამშრომელთა საქართველოს ფარგლებს გარეთ სამსახურებრივი მივლინების დროს სამოგზაურო პოლისის გაცემას, სადაზღვევო ლიმიტით.

სიცოცხლის დაზღვევა - ითვალისწინებს დაზღვეულის გარდაცვალების შემთხვევაში მოსარგებლისათვის ფიქსირებული თანხის ანაზღაურებას.

— სადაზღვევო მომსახურების მიღებისა და ანაზღაურების გაცემის პირობები:

1) დაზღვეული წინასწარი სატელეფონო შეტყობინების მეშვეობით ისარგებლებს ყველა იმ სამედიცინო მომსახურებით, რაც განსაზღვრულია სადაზღვევო პაკეტის პირობებით;

2) გეგმიური ჰოსპიტალიზაციის შემთხვევაში და გეგმიური საკეისრო კვეთის შემთხვევაში, დაზღვეული მინიმუმ 3 (სამი) სამუშაო დღით ადრე წარადგენს საჭირო სამედიცინო და ფინანსური დოკუმენტაციას, რის საფუძველზეც თვისუფალი შერჩევის პრინციპით ისარგებლებს შესაბამის სტაციონარული მომსახურებით.

დასაშვებია, რომ მზღვეველმა არ აანაზღაუროს (გამონაკლისები):

ა) ქრონიკული ჰეპატიტების (B,C) მკურნალობის ხარჯი;

ბ) არარეგისტრირებული მედიკამენტები;

გ) ფიზიო და ლაზერო თერაპია

დ) ეპიდემიის, გარემოს დაბინძურებით, რადიაციული დასხივებით, სტიქიური უბედურებით და ნებისმიერი ფორს-მაჟორული სიტუაციით გამოწვეული ხარჯი.

ე) ქრონიკული დაავადებების, რომელიც მხოლოდ მოიცავს: შაქრიანი და უშაქრო დიაბეტი, თირკმლის ქრონიკული უკმარისობა, მკურნალობისა და მათი გართულებების ხარჯები, გამწვავების პერიოდის გარდა;

ვ) სხეულის განზრახ თვითდაზიანებით გამოწვეულ დაავადებათა მკურნალობის ხარჯები; იმ შემთხვევებით გამოწვეული დაავადებების მკურნალობის ხარჯებს, როდესაც დაზღვეული განზრახ იგდებს თავს საფრთხეში, გარდა იმ შემთხვევებისა როდესაც ის მოქმედებს სხვისი სიცოცხლის გადარჩენის მიზნით;

ზ) თვითმკურნალობის ხარჯები;

- დ) არატრადიციული მედიცინის (აკუპუნქტურა, ჰომეოპათია, სუჯოკთერაპია და ა.შ.) ხარჯები;
- თ) ბიოლოგიურად აქტიური ან/და კვებითი დანამატების, პირადი ჰიგიენის ან/და მოვლის საშუალებების შემქნასთან დაკავშირებულ ხარჯები;
- ი) არასამედიცინო ჩვენებით განპირობებული მომსახურების ხარჯები.
- კ) პროფესიული სპორტის სახეობებში მონაწილეობით გამოწვეული დაავადებების მკურნალობის ხარჯები;
- ლ) ალკოჰოლიზმთან, ნარკომანიასა და ტოქსიკომანიასთან დაკავშირებულ ხარჯები;
- მ) ალკოჰოლური, ნარკოტიკული, ტოქსიკური ან ფსიქოტროპული ნივთიერებ(ებ)ის ზემოქმედების ქვეშ სატრანსპორტო საშუალების მართვისას მომხდარი ავტოსაგზაო შემთხვევით გამოწვეული დაავადებების მკურნალობის ხარჯები;
- ნ) ეგზოპროთეზებთან და მაკორეგირებელი დანიშნულების სამედიცინო მოწყობილობებთან, ორგანოთა ტრანსპლანტაციასთან დაკავშირებული ხარჯები, ოპერაციული და არაოპერაციული ჩარევის დროს; მხედველობის კორექციასთან დაკავშირებული ხარჯები, მათ შორის ექსიმერ-ლაზერით ჩატარებული მკურნალობის ხარჯები; სათვალეების, ლინზებისა და სმენის აპარატის შემქნასთან დაკავშირებულ ხარჯები;
- ო) ვაქცინაციის და იმუნიზაციის ხარჯები (გარდა გარდა ანტირაბიული/ანტიტეტანური); თანდაყოლილი და გენეტიკური დაავადებების მკურნალობის ხარჯები; კოსმეტიკური მკურნალობის, პლასტიკური ქირურგიის ხარჯები; წონის კორექციასთან დაკავშირებულ ხარჯები;
- პ) უნაყოფობის, იმპოტენციის დიაგნოსტიკის და მკურნალობის ხარჯები; სახელმწიფო პროგრამით დაფინანსებული ორსულობის ხარჯები, აბორტის ხარჯებს;
- ჟ) კონტრაცეფციის, ხელოვნური განაყოფიერების, რეპროდუქტოლოგიის ხარჯები;
- რ) მხოლოდ სქესობრივი გზით გადამდები დაავადებების მკურნალობის ხარჯები, რომელიც მხოლოდ მოიცავს: გონორეას, სიფილისის, ტრიხომონას;
- ს) ფსიქიური დაავადებების, სარეაბილიტაციო მკურნალობის, მასაჟისა და ფსიქოთერაპევტის მომსახურების ხარჯები;
- ტ) სამედიცინო ხარჯები, გაწეულს შიდსის და ვირუსული ჰეპატიტების მკურნალობისას;
- უ) მკურნალობის ხარჯებს, რომელიც საჭირო გახდა დაზღვეულის აჯანყებაში, სამოქალაქო არეულობაში ან კრიმინალურ ქმედებაში მონაწილეობის შედეგად; აგრეთვე თავისუფლების აღკვეთის პერიოდში გაწეული სამედიცინო მომსახურების ხარჯები;

გამონაკლისად არ ჩაითვლება:

დაავადებათა ჯგუფი, რომელიც მიეკუთვნება გამონაკლისებს და გამოწვეულია ტრავმული ან თერმული დაზიანებით, სხვა უბედური შემთხვევით და წარმოადგენს მათ შემდგომ სამედიცინო მდგომარეობებს და გართულებებს. ასეთ შემთხვევების სამედიცინო მომსახურების ხარჯები დაიფარება გეგმური სტაციონარული ამ ქრონიკული ამბულატორიული მომსახურების ლიმიტებიდან. ზემოხსენებული უბედური შემთხვევები არ უნდა იყოს დაკავშირებული სამსახურებრივი მოვალეობის შესრულებასთან.

შარდსასქესო სისტემის არასქესობრივი გზით გადამდები ინფექციური (მათ შორის სოკოვანი) დაავადებები. მწვავე შემთხვევებში მათი პირველადი დიაგნოსტიკისა და მკურნალობის ხარჯები იფარება ამბულატორიული მომსახურების, ხოლო ქრონიკულად მიმდინარეობის შემთხვევაში „ქრონიკულად მიმდინარე დაავადების ამბულატორიული მომსახურება და მედიკამენტები მედიკამენტოზური მკურნალობის ხარჯები“-დან.

**5. სახელმწიფო შესყიდვის ხელშეკრულების პროექტი
/ხელშეკრულების პირობები დაზუსტდება გამარჯვებულ კომპანიასთან/**

**ხელშეკრულება №
სახელმწიფო შესყიდვის შესახებ**

„სახელმწიფო შესყიდვების შესახებ“ საქართველოს კანონის და სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად, წინამდებარე ხელშეკრულება დადებულია „.....“ 2015 წ. თბილისი.

ერთი მხრივ, **სახელმწიფო აუდიტის სამსახური**, წარმოდგენილი მისი საფინანსო და ლოჯისტიკის დეპარტამენტის უფროსის დავით კაპანაძის სახით (შემდგომში შემსყიდველი)

მისამართი: ქ. თბილისი, წმინდა ქეთევან დედოფლის გამზირი №96

საიდენტიფიკაციო კოდი: 202051956

სახელმწიფო სახაზინო კოდი: 220101222 ა/ა 200122900

და მეორე მხრივ, პრეტენდენტის (მისი დასახელება) მისი ხელმძღვანელის სახით (შემდგომში მიმწოდებელი),
მისამართი:

საიდენტიფიკაციო კოდი:

საბანკო რეკვიზიტები:

შორის

მუხლი 1. ხელშეკრულებაში გამოყენებულ ტერმინთა განმარტებები

1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3. „დღე“, „კვირა“, „თვე“ – კალენდარული დღე, კვირა, თვე.

1.4. „შემსყიდველი“ – ორგანიზაცია, რომელიც ახორციელებს შესყიდვას.

1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

მუხლი 2 ხელშეკრულების საგანი

2.1. ხელშეკრულებით გათვალისწინებული შესყიდვის ობიექტია სახელმწიფო აუდიტის სამსახურის თანამშრომლებისათვის სადაზღვევო მომსახურების გაწევა.
(CPV).

2.2. ხელშეკრულებით გათვალისწინებული შესყიდვის ობიექტის აღწერა მოცემულია სატენდერო დოკუმენტაციაში.

2.3. პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული ყველა სხვა დოკუმენტი ქმნიან მოცემულ ხელშეკრულებას და ითვლებიან მის განუყოფელ ნაწილად, კერძოდ:

ა) წინამდებარე ხელშეკრულება;

ბ)

მუხლი 3. ხელშეკრულების ღირებულება

3.1. ხელშეკრულების ჯამური ღირებულება შეადგენს _____ ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.

მუხლი 4. მომსახურების მოწოდების ვადები

4.1 მიმწოდებელმა წინამდებარე ხელშეკრულებით გათვალისწინებული შესყიდვის ობიექტის მიწოდება უნდა განახორციელოს 2016 წლის 1 იანვრიდან - 2016 წლის 31 დეკემბრის ჩათვლით.

მუხლი 5. მომსახურების ხარისხი და გარანტია

5.1 მიმწოდებელი იძლევა გარანტიას, რომ გაწეული მომსახურება იქნება ხარისხიანი.

5.2. მიმწოდებელი ვალდებულია შეტყობინების მიღებისთანავე განახორციელოს წუნდებული მომსახურების შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

5.3. მიმწოდებლის მიერ 5.2 პუნქტით გათვალისწინებული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

მუხლი 6. ხელშეკრულების შესრულების კონტროლი

6.1. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი (ინსპექტირება) მიმწოდებლის მიერ ნაკისრი ვალდებულებების შესრულებაზე, მათ შორის მომსახურების ხარისხის პერიოდული ინსპექტირება.

6.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 7. შესყიდვის ობიექტის მიღება-ჩაბარების წესი

7.1. შესყიდვის ობიექტის მიღება-ჩაბარება განხორციელდება, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

7.2. მომსახურება, ან მისი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

7.3. მომსახურება (მისი ნაწილის) მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

7.4. შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული მომსახურების წუნდების მიზეზის მითითებით.

მუხლი 8. ანგარიშსწორება

8.1. ანგარიშსწორება მიმწოდებელთან განხორციელდება მომსახურების, ან მისი ნაწილის მიწოდების შემდეგ 10 (ათი) სამუშაო დღის განმავლობაში, მიღება-ჩაბარების აქტის გაფორმების, ინვოისისა და ანგარიშგაქტურის წარდგენის საფუძველზე.

8.2. ანგარიშსწორება განხორციელდება უნაღდო ანგარიშსწორების ფორმით.

8.3. ანგარიშსწორება განხორციელდება ლარებში. სახელმწიფო შესყიდვის დაფინანსების წყაროა: სახელმწიფო ბიუჯეტი;

8.4. საავანსო ანგარიშსწორება არ გამოიყენება.

მუხლი 9. ფასები

9.1. ხელშეკრულებაში განსაზღვრული ფასის ცვლილება დასაშვებია მხოლოდ საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში (დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა).

9.2. ფასების ცვლილების შესახებ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

მუხლი 10. ფორსმაჟორი

10.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

10.2. ამ ხელშეკრულების მიზნებისათვის ფორსმაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან

და რომლებსაც გააჩნიათ წინასწარ გათვალისწინებული ხასიათი. ასეთი გარემოება ასევე შეიძლება გამოწვეული იქნას ომით, ეპიდემიით ან სხვა სტიქიური უბედურებით;

10.3. ფორსმაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს დოკუმენტურად დასაბუთებული წერილობითი შეტყობინება ასეთი გარემოებების და მათი გამომწვევი მიზეზების შესახებ.

10.4. წინამდებარე ხელშეკრულების 10.3. პუნქტით გათვალისწინებული გარემოების დადგომისას მხარეები უფლებამოსილი არიან ხელშეკრულების შესაბამისად, შეცვალონ ან შეწყვიტონ ხელშეკრულების პირობები, სრულად შეწყვიტონ წინამდებარე ხელშეკრულება,

მუხლი 11. მხარეთა ურთიერთობა

11.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას;

11.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, ამ თარიღიდან რომელიც უფრო გვიან დგება.

მუხლი 12. მხარეთა უფლება-მოვალეობები.

12.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას ხელშეკრულებით გათვალისწინებული მომსახურება;

12.2. შემსყიდველი ვალდებულია გადაუხადოს მიმწოდებელს ხელშეკრულების ფასი ხელშეკრულებით გათვალისწინებული პირობების შესაბამისად;

12.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს ხელშეკრულებით გათვალისწინებული მომსახურება;

12.4. მიმწოდებელს უფლება აქვს გაწეული მომსახურების სანაცვლოდ მიიღოს ხელშეკრულებით გათვალისწინებული ფასი.

მუხლი 13. მხარეთა პასუხისმგებლობა ხელშეკრულების პირობების შეუსრულებლობისათვის

13.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობისთვის ან არაჯეროვნად შესრულებისთვის;

13.2. თუ ერთ-ერთი მხარე არ ასრულებს ან არაჯეროვნად ასრულებს ნაკისრ ვალდებულებას, მეორე მხარე უფლებამოსილია წერილობითი ფორმით გააფრთხილოს იგი შეასრულოს ხელშეკრულების პირობები;

13.3. ხელშეკრულების ერთი მხარის მიერ ვალდებულებების კვლავ შეუსრულებლობის ან არაჯეროვნად შესრულების შემთხვევაში, მეორე მხარეს, შესაბამისი გაფრთხილების გაგზავნისა და დამატებით განსაზღვრული ვადის უშედეგოდ გასვლის შემდეგ, უფლება აქვს ცალმხრივად ვადამდე შეწყვიტოს ხელშეკრულება და მოითხოვოს პირგასამტეხლოს ანაზღაურება.

13.4. წინამდებარე ხელშეკრულების პირობების დარღვევის შემთხვევაში (არასრულად, დადგენილ ვადაში შეუსრულებლობის, არაჯეროვნად შესრულების ან სხვა), მიმწოდებელს ეკისრება პასუხისმგებლობა - პირგასამტეხლო, ყოველ ვადაგადაცილებულ დღეზე მთლიანი სახელშეკრულებო თანხის 0.5% პროცენტის ოდენობით.

13.5. იმ შემთხვევაში თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

13.6. შემსყიდველი პასუხისმგებლობას კისრულობს, ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს ვადაგადაცილებული თანხის 0.1 პროცენტი.

13.6. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

მუხლი 14. გადასახადები და ბაჟები

მიმწოდებელი პასუხს აგებს შესყიდველის ობიექტის მოწოდებასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში

მუხლი 15. ხელშეკრულების ძალაში შესვლა და მოქმედების ვადები

ხელშეკრულება ძალაში შედის მისი ხელმოწერის დღიდან და მოქმედებს 2017 წლის 31 იანვრამდე.

მუხლი 16. ხელშეკრულებაში ცვლილებების შეტანა

- 16.1. არანაირი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარდა.
- 16.2. ხელშეკრულების პირობების ნებისმიერი ცვლილება უნდა გაფორმდეს დანართის სახით, რომელიც ჩაითვლება ხელშეკრულების განუყოფელ ნაწილად.

მუხლი 17. ხელშეკრულების შეწყვეტა

- 17.1. ხელშეკრულება შეიძლება შეწყდეს:
- ა) მხარეთა წერილობითი შეთანხმებით;
 - ბ) ხელშეკრულების ვადის გასვლის გამო;
 - გ) მიმწოდებლის მიერ მომსახურების მიწოდების ვადების 10 დღით დარღვევის შემთხვევაში (ცალმხრივად შეწყვეტის საფუძველი),
 - დ) შემსყიდველის მიერ, ხელშეკრულების შეწყვეტამდე 10 დღით ადრე, წერილობითი შეტყობინების საფუძველზე.
- 17.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

მუხლი 18. დავების განხილვის წესი

- 18.1. მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 19. დამატებითი პირობები

- 19.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.
- 19.2. შემსყიდველი უფლებამოსილია მოშალოს ეს ხელშეკრულება ცალმხრივად დადგენილი პირობებით, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან სხვა მოქმედი კანონმდებლობით გათვალისწინებულ შემთხვევაში.
- 19.3. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 19.4. ხელშეკრულება შედგენილია ქართულ ენაზე, ორ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ერთი ეგზემპლარი შემსყიდველს).
- მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.**

მხარეთა ხელმოწერები:

შემსყიდველის მხრიდან:

მიმწოდებლის მხრიდან:

დავით კაპანაძე _____

საფინანსო და ლოჯისტიკის დეპარტამენტის
უფროსი

დირექტორი

ბ.ა.

ბ.ა.

სატენდერო წინადადება

პრეტენდენტის რეკვიზიტები	
პრეტენდენტის იურიდიული ფორმა და დასახელება	
ხელმძღვანელის თანამდებობა, სახელი, გვარი	
პრეტენდენტის იურიდიული და ფაქტიური მისამართი	
საიდენტიფიკაციო კოდი	
პრეტენდენტის ტელეფონის ნომერი/ელ.ფოსტა	
მომსახურე ბანკის დასახელება	
ბანკის კოდი	
ანგარიშსწორების ანგარიში	

ვადასტურებთ, რომ გაცნობილნი ვართ და შესყიდვის განხორციელების მთელი პერიოდის განმავლობაში, ვიმოქმედებთ „სახელმწიფო შესყიდვების შესახებ“ საქართველოს კანონს, სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მოთხოვნათა შესაბამისად. ასევე ვადასტურებთ, რომ ჩვენს მიერ შემოთავაზებული გასაწევი მომსახურება სრულად შეესაბამება სატენდერო დოკუმენტაციაში მოცემულ ტექნიკურ დავალებას;

პრეტენდენტის ხელმოწერა და ბეჭედი

ფ ა ს ე ბ ი ს ც ხ რ ი ლ ი

№	მომსახურების აღწერილობა	რაოდენობა	ზღვრული ერთეულის ღირებულება	პრეტენდენტის მიერ შემოთავაზებული ღირებულება
1	2	3	4	5
1	ჯანმრთელების დაზღვევის მომსახურება	370 თანამშრომელი	76ლარი	

პრეისკურანტის საერთო ღირებულება (პრეტენდენტის მიერ შემოთავაზებული ფასების მიხედვით):

_____ ლარი

(თანხა ციფრებით და სიტყვიერად)

შენიშვნა: გამარჯვებულმა კომპანიამ, შემსყიდველის მოთხოვნის შესაბამისად, ვაჭრობის დამატებითი რაუნდების შედეგად დაფიქსირებული საბოლოო ფასის შესაბამისი (ასეთის არსებობის შემთხვევაში) ფასების ცხრილი უნდა წარმოადგინოს, ზემოაღნიშნული ფასების ცხრილის მიხედვით.